



Broj: 02-04-28993-2/22  
Sarajevo, 28.07.2022. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na **87.** sjednici održanoj **28.07.2022.** godine, donijela je

## **Z A K L J U Č A K**



1. Utvrđuje se prijedlog Zakona o izmjenama Zakona o šumama Kantona Sarajevo.
2. Predlaže se Skupštini Kantona Sarajevo da pretrese prijedlog Zakona iz tačke 1. ovog zaključka i isti donese po skraćenom postupku u skladu sa članom 158. Poslovnika Skupštine Kantona Sarajevo („Službene novine Kantona Sarajevo“, broj 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 - Ispravka).

**PO OVLAŠTENJU PREMIJERA**

**ministrica Nikolić Aleksandra**

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo privrede Kantona Sarajevo,
6. Evidencija,
7. A r h i v a.





BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
VLADA

**ZAKON**  
**O IZMJENAMA ZAKONA O ŠUMAMA KANTONA SARAJEVO**  
**(Prijedlog)**

Nosilac izrade:  
Ministarstvo privrede

Sarajevo, juli 2022. godina



Na osnovu člana 13. tačka i), člana 14. stav 2. i člana 18. stav 1. tačka b) Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01, 28/04, 6/13 i 31/17), Skupština Kantona Sarajevo na sjednici od \_\_\_\_\_ 2022. godine, donijela je

**(Prijedlog)**

**ZAKON  
O IZMJENAMA ZAKONA O ŠUMAMA KANTONA SARAJEVO**

**Član 1.**

(Izmjena člana 49.)

U Zakonu o šumama Kantona Sarajevo (“Službene novine Kantona Sarajevo”, br. 5/13, 10/21 i 19/22) u članu 49. procenat: “6 %”, mijenja se i glasi: “8 %”.

**Član 2.**

(Izmjena člana 60.)

U članu 60. u stavu (1) u tački b) procenat: “5,0 %”, mijenja se i glasi: “7,0 %”.

**Član 3.**



(Stupanje na snagu)

Ovaj zakon stupa na snagu osmog dana od dana objavljivanja u “Službenim novinama Kantona Sarajevo”, a početak će se primjenjivati danom početka primjene Zakona o izmjenama i dopunama Zakona o šumama Kantona Sarajevo (“Službene novine Kantona Sarajevo”, broj 19/22).

Broj \_\_\_\_\_  
Sarajevo, \_\_\_\_\_ 2022. godine

PREDSJEDAVAJUĆI  
SKUPŠTINE KANTONA SARAJEVO

Elvedin Okerić



## O B R A Z L O Ž E N J E

### I – PRAVNI OSNOV

Pravni osnov za donošenje ovog zakona sadržan je u odredbi člana 13. tačka i), člana 14. stav (2) i člana 18. tačka b) Ustava Kantona Sarajevo („Službene novine Kantona Sarajevo“, broj 1/96, 2/96, 3/96, 16/97, 14/00, 4/01, 28/04, 6/13 i 31/17).

### II – RAZLOZI DONOŠENJA

Skupština Kantona Sarajevo donijela je Zaključak broj: 01-04-19325-1/22 od 09.05.2022. godine kojim se nalaže Ministarstvu privrede Kantona Sarajevo da pripremi prijedlog Zakona o izmjenama Zakona o šumama Kantona Sarajevo po skraćenom postupku, u smislu da se u članu 49. i u članu 60. u stavu (1) u tač. b) Zakona o šumama Kantona Sarajevo izmjene procenti i to tako da se u članu 49. trenutni procenat od “6 %”, izmjeni i glasi: “8 %”, a da se u članu 60. u stavu (1) u tač. b) trenutni procenat od “5,0 %”, izmjeni i glasi: “7,0 %”.

S tim u vezi, pripremljen je prijedlog Zakona o izmjenama Zakona o šumama Kantona Sarajevo i predlaže se da se isti donese po skraćenom postupku, a sve u skladu sa članom 158. Poslovnika Skupštine Kantona Sarajevo (*“Službene novine Kantona Sarajevo”, broj 41/12-Drugi novi prečišćeni tekst, 15/13, 47/13, 47/15, 48/16, 9/20 i 14/20*).

### III – PRAVNA RJEŠENJA



**Članom 1.** predviđa se izmjena u članu 49. Zakona o šumama Kantona Sarajevo (*“Službene novine Kantona Sarajevo”, br. 5/13, 10/21 i 19/22*) tako da se trenutni procenat od “6%”, mijenja i nakon izmjene glasi: “8%”.

**Članom 2.** predviđa se izmjena u članu 60. u stavu (1) u tač. b) tako da trenutni procenat od “5,0%”, mijenja se i glasi: “7,0%”.

**Članom 3.** propisano je da Zakon stupa na snagu osmog dana od dana objavljivanja u “Službenim novinama Kantona Sarajevo”, a da će se početi primjenjivati danom početka primjene Zakona o izmjenama i dopunama Zakona o šumama Kantona Sarajevo (*“Službene novine Kantona Sarajevo”, broj 19/22*).

### IV – FINANSIJSKA SREDSTVA

Za provođenje ovog zakona nisu potrebna dodatna finansijska sredstava u Budžetu Kantona Sarajevo.



Bosna i Hercegovina  
Federacija Bosne i Hercegovine  
SKUPŠTINA KANTONA  
SARAJEVO



Босна и Херцеговина  
Федерација Босне и Херцеговине  
СКУПШТИНА КАНТОНА  
САРАЈЕВО

Bosnia and Herzegovina  
Federation of Bosnia and Herzegovina

CANTON SARAJEVO  
ASSEMBLY

Na osnovu čl. 106., 117. i 120. Poslovnika Skupštine Kantona Sarajevo („Službene novine Kantona Sarajevo“, broj 41/12 – Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka) Skupština Kantona Sarajevo je na 52. Radnoj sjednici održanoj dana 09.05.2022. godine, na prijedlog zastupnice Danijele Kristić, donijela sljedeći:

## ZAKLJUČAK

Obavezuje se Ministarstvo privrede Kantona Sarajevo, da u roku od 30 dana pripremi Prijedlog Zakona o izmjeni Zakona o šumama Kantona Sarajevo po skraćenom postupku. Izmjene se trebaju odnositi na član 20. prijedloga Zakona koji se odnosi na član 49. Zakona o šumama Kantona Sarajevo i na član 60. stav (1) tač. b) Zakona o šumama kako slijedi:

Član 20. Prijedloga Zakona o izmjenama i dopunama Zakona o šumama Kantona Sarajevo mijenja se i glasi:

Član 20.

(Izmjena člana 49.)

“Korisnik državnih šuma dužan je plaćati naknadu za korištenje šuma u visini 8% od ostvarenog prihoda od drveta računajući cijenu drveta na panju i prihoda ostvarenog od nedrvnih šumskih proizvoda po cjenovniku iz člana 47. stav (4) i u skladu sa članom 60. ovog zakona.”

U Zakonu o šumama Kantona Sarajevo (“Službene novine Kantona Sarajevo”, br. 5/13 i 10/21) mijenja se član 60. stav (1) tačka b) i glasi:

“U članu 60. u stavu (1) u tački b) procenat: “5%” mijenja se i glasi “7%”.”

U prilogu: Inicijativa

Broj: 01-04-19325-1/22  
09.05.2022. godine  
SARAJEVO





PREDSJEDAVAJUĆI  
SKUPŠTINE KANTONA SARAJEVO

(Elvedin Okerić)



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax: + 387 (0) 33 562-210  
Web: <http://skupstina.ks.gov.ba>  
E-mail: [skupstina@skupstina.ks.gov.ba](mailto:skupstina@skupstina.ks.gov.ba)



**Izvod iz USTAVA Kantona Sarajevo**  
(„Službene novine Kantona Sarajevo“, broj 1/96, 2/96, 3/96, 16/97, 14/00, 4/01, 28/04, 6/13 i 31/17)

**Član 13.**

**Zajedničke nadležnosti sa Federacijom**

Kanton zajedno sa Federacijom, samostalno ili u koordinaciji sa federalnim vlastima vrši slijedeće nadležnosti:

- a) jamčenje i provođenje ljudskih prava;
- b) zdravstvo;
- c) politika zaštite čovjekove okoline;
- d) komunikacijska i transportna infrastruktura;
- e) socijalna politika;
- f) provođenje zakona i drugih propisa o državljanstvu i putnim ispravama državljana Bosne i Hercegovine sa teritorije Federacije i o boravku i kretanju stranaca;
- h) turizam;
- i) korištenje prirodnih bogatstava.

**Član 14.**

**Vršenje nadležnosti**

Svoje nadležnosti Kanton izvršava donošenjem sopstvenih propisa i primjenom propisa Bosne i Hercegovine i Federacije.



Nadležnosti iz člana 13. ovog Ustava Kanton vrši u obimu dogovorenom sa federalnim vlastima. U slučaju da takav dogovor ne postoji te nadležnosti će Kanton vršiti cjelovito i samostalno.

**Član 18.**

**Nadležnosti Skupštine**

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- d) utvrđuje politiku i donosi programe razvoja Kantona;
- e) potvrđuje Vladu Kantona;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općinu, grad i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.



Izvod iz Zakona o o šumama Kantona Sarajevo ("Službene novine Kantona Sarajevo", br. 5/13, 10/21 i 19/22 )

**Član 49.**  
**(Naknada za korištenje šuma)**

Korisnik državnih šuma dužan je plaćati naknadu za korištenje šuma u visini 6% od ostvarenog prihoda od drveta računajući cijenu drveta na panju i prihoda ostvarenog od nedrvnih šumskih proizvoda po cjenovniku iz člana 47. stav (4) i u skladu sa članom 60. ovog zakona.

**Član 60.**  
**(Uplata naknade za korištenje šuma)**


(1) Naknada za korištenje državnih šuma iz člana 49. ovog zakona obračunava se od ostvarenog prihoda od drveta računajući cijenu drveta na panju i prihoda ostvarenog od nedrvnih šumskih proizvoda po cjenovniku šumskih proizvoda KJP "Sarajevo-šume" i uplaćuje se u sljedećim iznosima:

- a) 1,0 % na depozitni račun Budžeta Kantona,
- b) 5,0 % na depozitni račun za prikupljanje javnih prihoda Budžeta općine na čijem području se ostvario prihod.

(2) Naknada iz stava (1) ovog člana uplaćuje se tromjesečno i po završnom godišnjem računovodstvenom izvještaju.

(3) Kontrolu obračuna i uplate naknade iz stava (1) ovog člana vrši šumarska inspekcija.

(4) Ako obveznik plaćanja naknade ne obračuna ili ne uplati naknadu iz stava (1) ovog člana, šumarski inspektor koji je izvršio kontrolu uplate sredstava podnosi kod nadležnog suda prijedlog za prinudno izvršenje ove novčane obaveze, po pravosnažnosti i izvršnosti rješenja o uplati sredstava koje je ispostavio obvezniku.



Bosna i Hercegovina  
Federacija Bosne i Hercegovine  
**KANTON SARAJEVO**  
Ured za zakonodavstvo Vlade Kantona  
Sarajevo



Босна и Херцеговина  
Федерација Босне и Херцеговине  
**КАНТОН САРАЈЕВО**  
Уред за законодавство Владе  
Кантона Сарајево

Bosnia and Herzegovina  
Federation of Bosnia and Herzegovina  
**CANTON SARAJEVO**  
Office for Legislature of Sarajevo Canton  
Government

Broj: 09-02-20985/22  
Sarajevo, 24.05.2022. godine

KANTON SARAJEVO  
MINISTARSTVO PRIVREDE

## **PREDMET: Stručno mišljenje na prijedlog Zakona o izmjenama Zakona o šumama Kantona Sarajevo.-**

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17-Dруги нови преčišćени текст и 2/18-Ispravka), Ured za zakonodavstvo Vlade Kantona Sarajevo, daje slijedeće

### **MIŠLJENJE**

1. Ured za zakonodavstvo Vlade Kantona Sarajevo nema primjedbi na dostavljeni tekst prijedloga Zakona o izmjenama Zakona o šumama Kantona Sarajevo, po pitanju njegove usklađenosti sa odredbama ustava i pozitivno-pravnih propisa koji uređuju ovu oblast, a iz razloga koji su navedeni u obrazloženju predmetnog materijala.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Други нови преčišćени текст и 2/18- Ispravka), te se isti može razmatrati na jednoj od narednih sjednica Vlade Kantona Sarajevo, uz napomenu da se predmetni materijal dopuni sa mišljenjem Ministarstva finansija Kantona Sarajevo, jer se radi o stručnim pitanjima finansijske prirode.

Dostaviti:

1. Naslovu
2. Evidencija
3. Arhiva

**PO OVLASTENJU VLADE KANTONA SARAJEVO**



**Adis BISIĆ, dipl. pravnik**




Adresa: Hamida Dizdara I, 71000 Sarajevo  
Tel: + 387(0)33 560-449. Fax: + 387 (0) 33 560-448  
Web: <http://vlada.ks.gov.ba>, E-mail: [uz@vlada.ks.gov.ba](mailto:uz@vlada.ks.gov.ba)

1/1

1 / 1





Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo pravde i uprave



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство правде и управе

Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Justice and Administration

Broj: 03-04-02-20993/22  
Sarajevo, 25.05.2022. godine

**MINISTARSTVO PRIVREDE**  
gosp. Adnan Delić, ministar

**PREDMET: Prijedlog Zakona o izmjenama Zakona o šumama Kantona Sarajevo, mišljenje –**  
**VEZA: Vaš akt, broj: 07-05-02-36825/21 od 19.05.2022.godine**

Postupajući po Vašem aktu, broj i datum gornji, na osnovu odredbi člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 36/21) i člana 4. stav 2. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 50/17 i 2/18-Ispravka), Ministarstvo pravde i uprave razmotrilo je dostavljeni prijedlog Zakona i daje sljedeće

### MIŠLJENJE


Prijedlog Zakona o izmjenama Zakona o šumama Kantona Sarajevo je propis kojim se ne povrjeđuju prava zaštićena odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima, kojima je utvrđena zaštita ljudskih prava i sloboda.

S poštovanjem,

Dostaviti:  
1. Naslovu;  
2. a/a.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-083, Fax: + 387 (0) 33 562-241  
Web: <http://mpu.ks.gov.ba>, E-mail: [mpu@mpu.ks.gov.ba](mailto:mpu@mpu.ks.gov.ba)



Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo finansija



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство финансија

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Finance

Broj: 08/03-02-36825/22 NB  
Sarajevo, 24.05.2022. godine

## **KANTON SARAJEVO** **MINISTARSTVO PRIVREDE**

**Predmet:** Mišljenje na Prijedlog zakona o izmjenama Zakona o šumama Kantona Sarajevo.  
**Veza:** Vaš dopis, broj: 07-05-02-36825/21 od 19.05.2022. godine.

Vezano za Vaš zahtjev za mišljenje na Prijedlog zakona o izmjenama Zakona o šumama Kantona Sarajevo, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće mišljenje:

Ministarstvo privrede Kantona Sarajevo je postupilo u skladu sa navedenim Pravilnikom i Ministarstvu finansija uz Prijedlog zakona dostavilo na mišljenje popunjen i potpisan obrazac IFP-NE u kojem je data sljedeća izjava: „Za primjenu ovog akta nisu potrebna dodatna budžetska sredstva“.

Obzirom da za provođenje Prijedloga zakona nisu potrebna dodatna sredstva iz Budžeta Kantona Sarajevo, na navedeni Prijedlog zakona o izmjenama Zakona o šumama Kantona Sarajevo, Ministarstvo finansija, sa aspekta fiskalnog učinka na Budžet, **nema primjedbi**.

Ovo mišljenje je dato u skladu sa odredbama Prijedloga zakona koji se obrađuje i podataka navedenih u Obrascu IFP-NE Izjave o fiskalnoj procjeni, čija tačnost je u isključivoj odgovornosti Predlagača, te ukoliko se naknadno utvrdi da navedene odredbe i podaci odstupaju od stvarno činjeničnog stanja, ovo mišljenje će se staviti van snage.

S poštovanjem,

Dostaviti:


1. Naslovu
2. MF-Sektor za budžet i fiskalni sistem
3. a/a

Pripremio: Nedžad Bašić, dipl.ecc.  
Kontrolisala: Amina Močević, mr. c



Adresa: Maršala Tita 62, 71 000 Sarajevo  
Tel: + 387 (0) 33 565-005, Fax: + 387 (0) 33 565-052  
Web: <http://mf.ks.gov.ba>, E-mail: [mf@mf.ks.gov.ba](mailto:mf@mf.ks.gov.ba)

1/1



Bosna i Hercegovina  
Federacija Bosne i Hercegovine  
**KANTON SARAJEVO**  
Pravobranilaštvo Kantona Sarajevo



Босна и Херцеговина  
Федерација Босне и Херцеговине  
**КАНТОН САРАЈЕВО**  
Правобранилаштво Кантона Сарајево

Bosnia and Herzegovina  
Federation of Bosnia and Herzegovina

**CANTON SARAJEVO**  
Public Defender's Office of Sarajevo Canton

Broj: M-122/22  
Sarajevo, 21.06.2022.godine

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**Ministarstvo privrede**

**Veza:** Vaš broj: 07-05-02-36825/21 od. 19.05.2022. godine

Aktom broj i datum veze, koji je zaprimljen u Pravobranilaštvu Kantona Sarajevo dana 29.05.2022.godine, obratili ste se sa zahtjevom kojim tražite mišljenje ovoga organa na Prijedlog Zakona o izmjenama i dopunama Zakona o šumama Kantona Sarajevo a u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo broj 50/17-Drugi novi prečišćeni tekst i 2/18-Ispravka).

Uvidom u član 3. stav 4. Uredbe o postupku i načinu pripremanja, izrade i dostavljanja propisa (" Službene novine Kantona Sarajevo broj 50/17-Drugi novi prečišćen tekst i 2/18-Ispravka), predviđeno je slijedeće:

"Ukoliko se propisom regulišu imovinsko-pravna pitanja nosilac izrade dužan je predhodno pribaviti mišljenje Pravobranilaštva Kantona, u skladu sa Zakonom o pravobranilaštvu."

Kako se predmetnim Nacrtom Zakona ne regulišu imovinsko-pravna pitanja, to se ovo Pravobranilaštvo, a shodno gore navedenim propisima, ne može očitovati po istom.

Za sve informacije vezane za traženi zahtjev stojimo Vam na raspolaganju.



**Prof. dr. PRAVOBRANILAC KANTONA SARAJEVO**

*Termiz Samir*



<http://pb.ks.gov.ba>, e-mail: [pb@pb.ks.gov.ba](mailto:pb@pb.ks.gov.ba)  
Tel/fax: +387(0)33 214-033, +387(0)33 666-614 +387(0)33 226-024  
Sarajevo, Branilaca Sarajeva 21